

## L'isla deus monstres

Un dia, que i avèva un vilatge qui n'èra pas luenh d'un volcan sus ua isla. Mes qu'èra ua isla de monstres. Tot que's passava plan, que hasèva calor, los vilagés que's banhavan tranquilament... mes un demon qu'arribè deu volcan de cap tau vilatge. Que's podèva transformar en huec, en glaç, en arbo, en èrba, en tot çò qui pòt existir. Qu'ac minjava tot : los vilatgés, los mainats, las maisons...

Que i avèva ua solucion tà'u tuar mes los vilatgés n'ac sabèvan pas. Tà'u tuar que calèva que t'aimèssi. Un còp que t'aimava, que'u pòdevas pausar ua longa question : "Quin s'apèra la mair de l'amic deu hrair deu son cosin e la tanta de la soa mairbona ?" Qu'èra obligat de cercar e com pensava tròp que'u hasèva explosar. Que'ns podèvam tanben har amic dab eth per un escambi : eth que balhava lo riquèr e en escambi que volèva la sola causa que ne possèdiva pas (joguets).

Que i avèva un pòrt sus l'isla. E un dia, un batèu que trobè un còfre e dehens qui avèva un libe d'aur. Lo capitani deu batèu que tornè lo cròfe tau vilatge. Lo monde deu vilatge purmèr qu'avón paur d'aqueth libe donc que l'enterrèn tà se'n protegir. Au cap de tres mes qu'avón mensh paur donc duas personas coratjosas que'u tirèn de tèrra e que'u lejón. Dens lo libe que i avèva escrivut quin tuar lo demon.

Un deus òmis que s'aventurè dens la montanha tà trobar lo demon. Lo demon que'u vedó, ne l'aimè pas donc que'u tuè. Com l'òmi ne tornava pas tau vilatge, lo dusau que partí. Que vedó lo demon e lo demon que l'aimè. L'òmi que podó pausà'u la question e lo demon que's morí. En lo tuar, lo vilatgés que ganhè tots los poders deu demon. Que'n profieitè tà balhar moneda a tot lo vilatge e tà tuar tots los monstres de l'isla.